

Pinngitsoorani digitalikkut atassuteqarneq il.il. pillugu inatsisini aalajangersakkat assigiinngitsut allangortinneri pillugit inatsimmi § 35-p ilaanik Kalaallit Nunaannut atulersitsineq pillugu peqqussut (Pinngitsoorani digitalikkut atassuteqarneq aamma akisussaaffeqarfinnik nuussinerup il.il. malitsigisaanik naleqqussaarnert)

UAGUT MAGRETHER AAPPAAAT, Guutip saammaanneragut Danmarkip Dronningia, nalunaarpugut:

Pinngitsoorani digitalikkut atassuteqarneq il.il. pillugu inatsisini aalajangersakkat assigiinngitsut allangortinneri pillugit inatsimmi nr. 1231, 18. december 2012-meersumi § 70ⁱ-p malitsigisaanik (Pinngitsoorani digitalikkut atassuteqarneq aamma akisussaaffeqarfinnik nuussinerup il.il. malitsigisaanik naleqqussaarnert) aalajangersarneqarpoq:

§ 1

Aningaasanik ingerlataqarneq pillugu inatsimmi, kunngip peqqussutaatigut nr. 1252, 15. december 2004-meersukkut Kalaallit Nunaannut atulersinneqartumi, peqqussut nr. 1047, 1. september 2010-meersukkut, peqqussut nr. 838, 14. august 2012-meersukkut, [inatsit 1553, 21. december 2010-mut tunngatillugu][inatsit 1556, 21. december 2010-meersumut tunngatillugu][inatsit 456, 18. maj 2011-mut tunngatillugu][inatsit 616, 14. juni 2011-mut tunngatillugu] [inatsit 155, 28. februar 2012-mut tunngatillugu] [inatsit 273, 27. marts 2012-mut tunngatillugu][inatsit 557, 18. juni 2012-mut tunngatillugu] allangortinneqartumi, imatut allannguisoqarpoq:

1. § 1, imm. 2-mi, »atuuppoq« kingorna ikkunneqarpoq: »§§ 6, 6 a aamma 6 b,«.

2. § 1, imm. 4, oqaaseqatigiinni siullerni, imm. 5, oqaaseqatigiinni siullerni, aamma imm. 6-mi, »atuupput §§« kingorna ikkunneqarpoq: » 6, 6 a, 6 b,«.

3. § 1, imm. 7-mi, »§ 37« imatut allangortinneqarpoq: »§§ 6, 6 a, 6 b aamma 37«.

4. (Kalaallit Nunaannut atulersinneqanngilaq)

5. § 1, imm. 16-mi, »§ 347, imm. 1 aamma 5« imatut allangortinneqarpoq: »§§ 6, 6 a, 6 b aamma § 347, imm. 1 aamma 5«.

6. § 6 atorunnaarpoq, taarsiullugulu kapitali 2-p kingorna immikkoortoq II sioqqullugu kapitali nutaaq ikkunneqarluni:

»Kapitali 2 a

Attaveqatigiinneq

§ 6. Inuussutissarsiornermut siuariartornermullu ministeri pissutsit peqqussummut matumunnga imaluunniit aalajangersagaq taanna naapertorlugu maleruagassanut atulersinneqartunut ilaasut pillugit Finanstilsynimut, -miit, inuussutissarsiornermut siuariartornermullu ministerimut, -miit aamma Erhvervstyrelsimut, -miit allakkatigut attaveqatigiinneq aamma digitalikkut pisinnaasoq pillugu maleruagassanik aalajangersaasinnaavoq.

Imm. 2. Inuussutissarsiornermut siuariartornermullu ministeri digitalikkut attaveqatigiinneq pillugu maleruagassanik erseqqinnerusunik aalajangersaasinnaavoq, tassunga ilanngullugit qarasaasiat aalajangersimasut, digitalini ilutsit immikkuullarissut aamma digitalikkut atsiorterit assigisaaluunniit atornerarneri pillugit.

Imm. 3. Digitalikkut nalunaarut apuuttutut isigineqassaaq taanna nalunaarummik nassitsifigineqartumit pissarsiarineqarsinnaangaagat.

§ 6 a. Inuussutissarsiornermut siuariartornermullu ministeri Finanstilsyni allallu oqartussat, § 6, imm. 1 naapertorlugu, peqqussut una malillugu imaluunniit peqqussut una naapertorlugu maleruagassat atulersinneqartut malillugit aalajangersaasinnaasut allagaatinillu allanik atulersitsisinnaasut, maskiinakkut imaluunniit taamaaqataanik atsiorneqartunik imaluunniit aalajangiinermik allagaammilluunniit atulersitsisup paatsuugassaanngitsumik kinaassusaanik aalajangiisumik periutsimik atuisoqarluni pillugu maleruagassanik aalajangersaasinnaavoq. Aalajangersakkat allagaatillu taamaattut inummit atsiorneqartunik aalajangiinernut allagaatinullu sanilliunneqarsinnaapput.

Imm. 2. Inuussutissarsiornermut siuariartornermullu ministeri aalajangiinerit allagaatillu allat, elektronikkkut nalunaarsukkanik suliarinninneq tunngavigalugu aalajangiiffiigineqartut imaluunniit atulersinneqartut taamaallaat oqartussat pineqartut nassitsisutut allanneqartillugit atulersinneqarsinnaasut pillugit maleruagassanik aalajangersaasinnaavoq.

§ 6 b. Aalajangersakkami uani imaluunniit aalajangersagaq una naapertorlugu maleruagassani atulersinneqartuni piumasarineqarpit allagaq oqartussamit allaanerusunik allamit atulersinneqarsimasoq, § 6, imm. 1 naapertorlugu, atsiorneqarsimassasoq piumasaqaat taanna allakkamik atulersitsisup paatsuugassaanngitsumik kinaassusaanik aalajangiisumik periutsimik atuisoqarneratigut naammassineqarsinnaavoq, taamaattorli imm. 2 takujuk. Allagaatit taamaattut inummit atsiorneqartunik allagaatinut sanilliunneqarsinnaapput.

Imm. 2. Inuussutissarsiornermut siuariartornermullu ministeri atsiorsimanissamik piumasaqaatit saneqqunneqarsinnaanera pillugu maleruagassanik erseqqinnerusunik aalajangersaasinnaavoq. Tassani aalajangerneqarsinnaavoq inuup atsiorsimanissaanik piumasaqaat allagaatit ilaannut aalajangersimasunit saneqqunneqarsinnaanngitsooq.«

7. § 196-mi imm. 4-tut ikkunneqarpoq:

»Imm. 4. Digitalikkut atassuteqaatit atornerarnerini ukiumoortumik nalunaarusiat arlalinngorlugit nassiunneqarnissaat pillugu piumasaqaat, § 194, imm. 1, aamma § 195, imm. 1 naapertorlugu, saneqqunneqarsinnaavoq.«

8. § 341-mi imm. 5-tut ikkunneqarpoq:

»Imm. 5. Digitalikkut atassuteqaatit atornerarnerini ukiumoortumik nalunaarusiat arlalinngorlugit nassiunneqarnissaat pillugu piumasaqaat, imm. 1 naapertorlugu, saneqqunneqarsinnaavoq.«

9. § 343, imm. 1-mi, »Kapitali 21« imatut allanngortinneqarpoq: »§§ 6, 6 a aamma 6 b, kapitali 21«.

10. § 343 m imm. 3-tut ikkunneqarpoq:

»Imm. 3. Digitalikkut atassuteqarneq pillugu §§ 6, 6 a aamma 6 b taamaaqataanik aningaasaliisartunut siunnersortinut atorpoq.«

11. § 343 r imm. 3-tut ikkunneqarpoq:

»Imm. 3. Digitalikkut atassuteqarneq pillugu §§ 6, 6 a aamma 6 b taamaaqataanik ataatsimoorussamik nalunaarsugaasivinnut atorpoq.«

§ 2

Peqqussut ulloq x.xx 2015-mi atulersinneqarpoq.

ⁱ Aalajangersagaq imatut oqaasertaqarpoq: *Imm 1.* §§ 1-39, 41-50 aamma 53-68 Savalimmiunut aamma Kalaallit Nunaannut atuutinngillat, taamaattorli imm.3 aama 4 takukkit. *Imm. 2.* (Ilaatinneqanngilaq) *Imm. 3.* (Ilaatinneqanngilaq) *Imm. 4.* §§ 1-10, 17, 18, 23, 29, 35-39, 41-44, 49, 50, 54, 58-63, 65 aamma 66 kunngip peqqussutaatigut tamakkiisumik ilaannakuusumilluunniit Kalaallit Nunaannut atulersinneqarsinnaavoq, Kalaallit Nunaanni pissutsit naapertorlugit allannguuteqartillugit. *Imm. 5.* Inatsimmi §§ 51 aamma Savalimmiunut aamma Kalaallit Nunaannut piffissani allani atulersinneqarsinnaasoq.